

Guangjshih Minzcuz Bau

ganbbau: CN45-0036 B.2016 Nd.3 Ng.30 liggaeuq bingjsaen nienz ndwengeib ngeibngeib

Daengx Guek Yinzda Daiqbiuj Swcigih Minzveij、Minzyijveij Cujiyin Luz Yenbenj

全国人大代表 自治区民委主任、民语委主任卢献匾

Lwnhchienz Gij Cingsaenz Daengx Guek Yinzda Seiq Baez Veiyl

组织传达全国人大四次会议精神

Bonjbauq siuqsik (gicej Couh Yi) 3 nyied 22 hauh, Swcigih Minzveij (Cunghgyau Giz)、Swcigih Minzyijveij hai hoih, daengx guek yinzda daiqbiuj、Swcigih Minzveij、Minzyijveij cujiyin Luz Yenbenj boux ngamq camgya daengx guek song hoih dauqma haenx, youq gwnz hoih lwnhchienz le gij cingsaenz Daengx Guek Yinzda Seiq Baez Veiyl. “Song vej” lingjdauj、gihgvanh gak cu(siz) daengxcungq ganbu cizgungh, gak cizsuz danhvei cujyau bouxfucwz caeuq boux fucwz gijgenj gamcaz haenx camgya le hai hoih.

Luz Yenbenj lwnhchienz le gij daihgaiq cingzgvang、cujyau cingsaenz aen hoih Daengx Guek Yinzda Seiq Baez Veiyl caeuq gij cingzgvang guhhong gyoengq daiqbiuj Guengjsae daiqbiujduenz camgya hai hoih daengj, de naek youq lwnhchienz le gij

cujyau cingsaenz cwngefuj gunghcoz baugau.

Luz Yenbenj daegbied giengz–dihuh, Cunghgung Cunghyangh Cwngeigiz Cangzvej、Gozvuyen fucunggilij Cangh Gauhli camgya Guengjsae daiqbiujduenz saemjyaeng cwngefuj gunghcoz baugau, saemjcaz “cibsam haj” gveihva ganghyau caujanq caeuq dingq le daiqbiuj genyi seiz, de cunghaen haengjdingh gij hong Guengjsae. Doengzseiz doiq gij hong baezlaeng Guengjsae guh le youqgaenj cijsi, gak hangh hong genyi Guengjsae caemh ndaej haeujcoengh.

Luz Yenbenj lij giethab gij hong minzcuz cunghgyau、hong vah saw minzcuz Guengjsae guh le lwnhchienz. De naeuz, cwngefuj gunghcoz baugau daegbied giengzdihuh le “lozsiz cabiedvaq haeujcoengh cwngefuz coicaenh minzcuz deihfueng hwngfat”,

yienh’ok le Cunghyangh engqgya yawjnaek minzcuz deihfueng hwngfat. Giethab gij hong minzcuz Guengjsae, aeu gaengawq cingzgvang gih raeuz, roxyiuj gij doxdoengz caeuq mbouj doxdoengz Guengjsae saujsu minzcuz caeuq swngjwnq gih’wnq saujsu minzcuz, cimdoi q gij daegdiemj hong saujsu minzcuz gih raeuz, daezok guekgia cwngefuz haeujcoengh yaek yungh haenx aeu miz hableixvaq、cimdoi q singq.

dangguh daengx guek yinzda daiqbiuj, Luz Yenbenj camgya Daengx Guek Yinzda Seiq Baez Veiyl hai hoih seiz daezgyau le song aen daiqbiuj genyi: It dwg genyi Cunghyangh aeu Guengjsae liedhaeuj aen’gvaengz swnghdai boujdauq sawqniemh, ngeih dwg genyi guekgia caenhvai q hoiz–fuk okbanj 《Minzcuz Vabau》 banj Sawcuengh.

Lungzswng: Hungzyauz Dajsiuq “Siuq Fungcingz”

龙胜：红瑶刺绣“绣风情”



3 nyied 27 hauh, youq Lungzswng Gak Cuz Swciyen Lungzciz Cin Ginhgyangh Cunh Mbanjyauz Vangzloz, dangdieg mehmbwk Yauzcuz yieugq hekyouz baijyienj dinfwnz guh ndangdaenj Hungzyauz. Gaenh geij bi neix daeuj, aen yienh neix doenggyaq vatcimh ndangdaenj Hungzyauz daibyausjng bouxswncienz、laebbaenz minzcuz ndangdaenj son hag gihti、haiguh dajsiuq caeuq daemjrok dozcanj beizyin、banh minzcuz ngoenzciet hozdung daengj banhfap, gyalai doiq Hungzyauz ndangdaenj vwnzva baujhoh caeuq swncienz ligdoh. Bi 2014, Hungzyauz ndangdaenj ndaej liedhaeuj guekgia gaep “feihyiz” mingzloeg. Ndw doz dwg mehmbwk Hungzyauz baijyienj dinfwnz hawj hekyouz yawj.

(Banh Cisiengz/潘志祥 Cinz Yenyen/陈燕燕)

Swhyenz Yenz Densi Sinhwnz Lanzmoeg Vahmyauz Cingqsik Haicuengq

资源县苗语电视新闻栏目正式开播

Mboengqneix, Swhyenz Yen Den–sidaiz 《Sinhwnz Vahmyauz》lanzmoeg cingqsik haicuengh. Swhyenz Yen dwg aen yienh yiengjsouh doiqdaih lumj swciyen nei, Myauzcuz gyauejvunz ciemq cungj gyauejvunz 18.5%. Aenvih miz mbangj bouxlaux Myauzcuz mbouj sug Vahgun geijlai, dingq mbouj rox Vahgun. Yienh minzcuzgiz、vwnzsinh gvangjdijgiz ginggvaq diuyenz caemh–caiq caeuq mizgven vunz、minzcuz

lauxhangz hai aen hoihnaenghdamz, gvangqlangh cam’ aeu gij yigen caeuq genyi haicuengq densi cezmuiz Vahmyauz haenx, doiq 《Sinhwnz Vahmyauz》lanzmoeg fanhoiz、geiz–laeng raedciep cuengqok daengj gak hangh hong guh le nyinhcaen yenzgiu, doengzseiz, yiengq ndawbiengz goeng–hai ciu vunzcaiz bouxboqyaem Vahmyauz.

Haicuengq gvangjibo densi sinh–

vwnz lanzmoeg Vahmyauz, ndaej daengz daengx yienh haujlai ganbu ginzcong gvansim caeuq haenhndei, doiq caenh–itbous hoenghvuengh hwngfat saujsu minzcuz vwnzva saehnieb、coicaenh saujsu minzcuz vwnzva hwnjguh caeuq dieg minzcuz ginghci ndawbiengz hwngfat、gyamaenh minzcuz doxgiet daengj fuengmienh cungj miz youqgaenj yiyl.

(Dangz Siyauj/唐世友 Cau Mingzvej/赵明伟)

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3217期

SIUSIK DINJ

简讯

● Vih guh ndei gij vwndiz cingcinj yawjrox gendang laebgaj seiz bungzdaengz haenx, gveihva ndei hong vutgungz mbanj gungzhoj, Lingzyinz Yen Yihungz Yauzcuz Yangh ciuq gih、si、yienh gij guhhong lohnaemj cienzmienh laebbaenz biengz siujganh canloz muzbyauh iugouz caeuq vutgungz gunggeng “bet aen it buek” “cib aen hengzdoengh”, cauxmoq loh–naemj、ciuq dieg bae guh、haenqrengz doicaenh vatgungz gunggeng gunghcwnz.

(VeiZ Fucwngh)

● 2015 nienz 12 nyied, Cenzcouh Yen bued roengz 200 lai aen nwnngzyenz moq ci gunghgyauh dendung, haidoeng 10 diuz loh lajmbanj gunghgyauh, aeu ci gunghgyauh haihaeuj mbanj fuengbienh vunz lai okrog. Aenvih nwnngzyenz moq ci gunghgyauh dendung yinh ndaej vunz lai、cwxcaih fuengbienh、ancienz vanzbauj daengj, baenz le dangdieg vunz lai lajmbanj okrog cujyau gyaudoeng gunghgi.

(Vangz Swhcang)

● Lozcwnz Mulaujcuz Swciyen cietsaed aeu gvancez lozsiz sinhnungzhoz cwngefuz dangguh hangh dwzcwnz minzsim gunghcwnz daeuj guh, gaenx–maenx damqra caeuq youhva boujdauq fueng’anq, roengzrengz hawj engqlai vunz lai yiengjsouh gij ndeicawq sinhnungzhoz, 2015 nienz, aen yienh neix sinhnungzhoz bauqsu cunj–cienzngeng daengz 1.47 ik maenz, souh’ik vunz lai daengz 24 fanh lai vunzbaez.

(Liu Gvanghfuz)

● Gunghcwnz Yauzcuz Swciyen Fulenz hoizwngq gih fulenz haucau, gaenxmaenx haiguh “sam bet” geizgan “roengz gihcwnz、cunz cingzgvang mehmbwk、soengq raeuj” hozdung. Ciuq cam rox, aen yienh neix gaenq laebdaeb sam bi haiguh hangh hozdung neix, moix bi byaijcunz doiqsiengq cungj mbouj ityiengh, bineix gaenq doiq sam aen yanghcin mbangj gungzhoj mehmbwk caeuq mehmbwk ak guh le byaijcunz camnai, dajsuenq byaijcunz 80 vunz.

(Liengz VeiH Liu Vanjcinh)